

SPAAD e dirisa selekanyo se se fetang halofo ya tekanyetso kabo ya madi (bajete) ya Botswana mo temothuong. Mme go ntse go le jalo, thulaganyo eno e reteletswe ke go fetola balemirui gore e se ka ya nna ba ba itshedisang ka temothuo mme e nne ba ba gwebang ka yone, go na le moo e dirile gore palo ya balemi ba ba itshedisang ka temo e oketsege ka lobelo lo logolo.

# Molato ke eng ka thulaganyo ya ISPAAD?

Mathata a mangwe a ISPAAD a akaretsa a a latelang:

- ▶ E dirile gore balemirui ba ikaege thata ka dithuso tsa matlole.
- ▶ Dilo tse balemi ba thusiwang ka tsone (jaaka peo, menontsha le dibolayamefero) gantsi di tliwa go setse go le thari.
- ▶ Selekanyo se segolo thata sa dilo tseno tse balemi ba thusiwang ka tsone se ya kwa baleming ba ba dirang kgwebo ka temo go na le gore se ye kwa baleming ba ba kwa magaeng.
- ▶ Dibaotšhara le menontsha e a utswiwa mme ka dinako tse dingwe e rekisiwa ke bone balemi ba ba tshwanetseng ba bo ba solegelwa molemo ke thulaganyo eno.
- ▶ Go dirisa peo e e dirilweng ka go tswakiwa ya mmidi e e sa tshwanelang le menontsha go dira gore go nne le thobo e nnye thata le gore dijalo di se ka tsa gola sentle.
- ▶ Go na le badiri ba banye thata go thusa ditlhopha tse dikgolo tsa balemi.

